



Plata dla Ploania Antermëia Sant'Antone Abat

UNITÉ PASTORALA



Ploan: siur Paul Campeï
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann B 22.04.2018 - 29.04.2018 - Cuarta domënia de Pasca n. 21

Le bun famëi

 **St.Ap 4, 8–12 | 1 Jan 3, 1–2 | Jan 10, 11–18**

Dal Vangele do San Jan:

Te chël tēmp à Gejù dit: ¹¹Iö sun le bun famëi. Le bun famëi dà ca süa vita por les bisces. ¹²Le fant tut sö a paiamënt indere, che ne n'é nia famëi y de chël che les bisces ne n'é nia, lascia les bisces sores y s'un sciampa canch'al vëiga gnon le lu; le lu les scherza y les sprìgora indalater. Al s'un sciampa, ¹³ciòdi ch'al é mâ n fant a paiamënt y ciòdiche les bisces ne ti un vel nia. ¹⁴Iö sun le bun famëi; iö conësci i mi, y i mi conësc mè, ¹⁵sciöche le Pere conësc mè y iö conësci le Pere; y iö dà ca mia vita por les bisces. ¹⁶I à ciàmò d'atres bisces, che n'é nia fora de chësta stala; incé chëres mëssi condüje y ares ascutarà mia usc; spo saral mâ un n pastorëc y un n famëi. ¹⁷Porchël m'òl bun le Pere, deache iö dà ca mia vita, por la tó indô derevers.



Atlamaziun

DLA DOMËNIA

*Iu sun le bun famei. I conesci i mi,
y i mi conesc mè. Alleluia.*

 *Letöres dla Cuinta domënia de Pasca:*

St.Ap 9, 26–31 | 1 Jan 3, 18–24 | Jan 15, 1–8

Edema liturgica dai 22.04. ai 29.04.2018

2018	Ora	Mëssa
4^a DOMENIA 22.04 DE PASCA Festa dla Pröma Comuniun <i>dé mondial de oraziun</i> <i>por vocaziuns</i>	9.45 10.00	<i>Ingres dala scora:scolars,musiga, comunicanc</i> <i>cui geniturs, sorvidus y prou, toc, familiars,düc</i> Gran messa ciantada dai scolari + siur Heinrich Videsott aniversar + Pire Devall aniversar + Paul Prousch ++ fam. Carlo Piazza dedô incuntada cun la comunité y concert
LÖNESC 23.04 <i>s. Iöre</i>	7.25	s. Messa ++ Pire Unterweger y Fabrizio Palatiero
MERTESC 24.04		
MERCUI 25.04 <i>s. Merch, evang.</i>	7.25	s. Messa di scolari + Maria Costalunga + Martina Niederkofler
JÖBIA 26.04		
VENDRES 27.04	7.25	s. Messa + Vittoria Turnaretscher
SABEDA 28.04	18.30	Messa prefestia ++ Ciasanea + Clara Ferdigg
5^a DOMENIA 29.04 DE PASCA	9.30 10.00	Corona Gran messa por la comunité a onur de s. Ujöp y s. Florian por i Stödafüch, prozesciun y benedisciun di auti aniversar + Tio Winkler + Lenze Miribung ++ Sepl y Notburga Moling

Informaziuns y terminns

Por i **ministranc**: CIAO MINIS, en sabeda sëra ai 28.04.2018 sëis dër bel inviá da gní düc a mësxa, y dedô junse sö dal Fontanella a se mangé na buna pizza. Gnide tröc.

La **Uniun di Seniores da San Martin de Tor y Antermëia** inviëia a n **referat** cun le degan Siur Iaco Willeit dal titul " Perie! Co pa... can pa... ciodí pa?" en mertesc ai 24 de aurí dales 15.30 tl salf di stödafüch a San Martin de Tor. Dedô sarál ciamó na picia marena y n moment por sté adöm. Düc é dër bel inviá.

Vignun à la poscibilité da podëi dé inant le 8‰ dles cutes ala dlijia y le 5‰ a na organisaziun de voluntariat. Chësc ann tla detlaraziun dl davagn periunse do Osc sostëgn tres la donaziun di 5‰ ai **Stödafüch d'Antermëia**, indican chësc codesc fiscal: 92009180214. Cun chësc scëmpl gest, che ne comporta degun cost implü, daidëise finanzié l'ativité de nosta Uniun y garantí insciö la segurëza a nosta popolaziun y a nosc paisc.

Le Sorvisc ai Jogn organisëia ince en chësc ann indo le curs: **S'ARJIGNÉ CA INDORTÖRA AL EJAM DE TRILINGUISM** dal lönesc 20 d'agost al vëndres 24 d'agost intres dales 19.00 ales 21.00. Le curs è davert por düc dai 16 agn insö y gnará tigní a Piculin tl Zënter pedagogich dala referënta Daria Valentin. Tres le curs podará i partezipanc se preparé bun al ejam de trilinguism cun eserzizi desvalis. Cost: € 20,00 (da paié la 1 sëra). Important: L'iscriziun al ejam a Balsan mës gni fata da vigni partezipant instës. Por informaziuns y iscriziuns cherdé sö te Sorvisc ai Jogn al numer 0474523070.


Le Sorvisc ai Jogn lascia alsavëi che l'ufize sará stlüt **dal mercui 25 d'aurí al mertesc 1 de má**. I locai di jogn y le zënter dla jonëza Saj.un sará daverc, a pert i dis de festa.

Baratada de ciüf, pelzes y somënzes le lönesc, ai 07/05, dales 20.00, tl salf di stödafüch a San Martin: Dales 20.00 tëgn Hildegard Kreiter n referat „Im Garten und in der Natur dem Power-Grünzeug auf der Spur“ cun de bugn consëis por erbes aromatches, ciüfs y verzöra. Dedô baratada. Portede ci ch'i ëis dessurora fora de üsc urc por les 19.30 y scriede sö la sort de plantes. I ciafëis ci che ves mancia, lascian val' picia spënorä. (org. Uniun dles Patrones).

SANITÉ: En dedolönesc, ai 24 d'aurí, é i ambulators di doturs a San Martin stluc. Dotur de sorvisc: dr. Spechtenhauser 0471 844 200.

Jonëza da Paur: al é da cumpré n guant da lauré te bosch dl Profanter (braia, cialzá, manëces y elm) al bun prisc de 450 euro .Interessá pó jí en sabeda, ai 28 d'aurí, dales 10.30, tl salf di stödafüch a San Martin a s'al porvé.

Seminar de retorica cun Alex Ploner (se presenté, vëne, marketing, baié privat- o publicamënter) de 8 ores en sabeda, ai 12 de ma, tl Istitut Ladin a San Martin. Info y prenotaziuns pro Sorvisc Formaziun 0474 523 110 o formaziun.vb@micura.it



L'eucarestia é n tesur dla fede. Mo nia n tesur ch'i podun se mëte ia; la fede é n tru, datrai ince na chirida – ince dî do le dé dla pröma comuniun. Mo chësc dé é ince nstëss n tesur: pan y vin é preziusc, deache Gejú vëgn te chëstes scincundes dai mituns – deache ai é por ël n tesur. Vigni porsona é n tesur por Dî y Dî n tesur te nosta vita.

Mësses a Rina:	Dom 8.30 Dedol 19.30 Jöb 7.25 Sab 19.30 Dom 8.30
Mësses a San Martin:	Dom 9.30 Dedol 15.30 (Freina) Jöb 7.30 Sab 18.30 Dom 9.30

	23.04 - 28.04.2018	Karol - Joel
	29.04.2018	Stefan – Armin – Maria - Emily
	28.04.2018	Martina Dejaco
	29.04.2018	Ernesto Winkler